



2018ko urriaren 8ko Hezkuntza sailburuordearen ebazpena, 18 urtetik gorako pertsonen 2018-2019 ikasturtean Derrigorrezko Bigarren Hezkuntzako Graduatuaren titulua lortu ahal izateko proba librei buruzkoa.

Maiatzaren 3ko 2/2006 lege organikoak, Hezkuntzari buruzkoak (LOE), 5. artikuluan xedatutakoaren arabera, pertsona guztiek izan behar dute, hezkuntza-sisteman eta hezkuntza-sistematik at, bizitzan zehar prestakuntza jasotzeko aukera, haien garapen pertsonal eta profesionalerako gaitasun, ezagutza eta trebetasunak eskuratu, gaurkotu, osatu eta zabalitzeko asmoz. Hezkuntza-sistemak etengabeko hezkuntza sustatzea du helburu, ikaskuntza beste ardura eta jardura batzuekin bateragarria izan dadin erraztasunak emanez. Halaber, administrazio publikoek dute ikaskuntza malguaren eskaintzak sustatzearen ardura, hezkuntza-sistema inolako titulaziorik gabe utzi zuten pertsonen oinarrizko gaitasunak eta titulazioak eskura ditzaten.

236/2015 Dekretuak, abenduaren 22koa, Oinarrizko Hezkuntzaren curriculuma zehaztu eta Euskal Autonomia Erkidegoan ezartzen duenak Oinarrizko Hezkuntzaren berariazko curriculuma eta ebaluazioa ezartzen ditu Lehen Hezkuntzaren eta Derrigorrezko Bigarren Hezkuntzaren curriculuma ezartzen duen oinarrizko araubidea eragotzi gabe.

Gainera Laugarren Xedapen gehigarri bat ezartzen du eta bertan aipatzen du Lehen Hezkuntzari dagozkion oinarrizko kompetentziak eskuratu nahi dituzten helduei beren egoerara egokitutako eskaintza egingo zaiela, aurrez aurreko hezkuntzaren bidez edo urrutiko hezkuntzaren bidez. Helduen Oinarrizko Hezkuntza hori berariazko curriculum baten arabera garatuko da, Dekretu honen II. eranskineko curriculum egokituz.

Aipatutako Laugarren Xedapen Gehigarriko 6. artikuluan aurreikusten da hemezortzi urtetik gorako pertsonen Derrigorrezko Bigarren Hezkuntzako graduatua zuzenean lortu ahal izateko probak antolatzea aldizka, betiere, pertsona horiek etapako oinarrizko kompetentziak eta helburuak lortu badituzte. Proba horiek antolatu behar dira, betiere, Hezkuntzaren Kalitatea hobetzeko abenduaren 9ko 8/2013 Lege Organikoa ezartzeko egutegia zabalitzeko presako neurrien 5/2016 Errege Dekretuari, abenduaren 9koari, jarraituz.

Horiek horrela, prozeduraren eta baldintzen arauak ezarri behar dira, helduek Derrigorrezko Bigarren Hezkuntzako Graduatuaren titulua eskuratu ahal izateko ez ohiko probaren bidez.

Horregatik,

XEDATU DUT:

1. artikulua.- Helburua.

Euskal Autonomia Erkidegoan 18 urtetik gorako pertsonen 2018-2019 ikasturtean Derrigorrezko Bigarren Hezkuntzako Graduatuaren titulua lor dezaten proba libreak zehaztu eta arautzea ditu ebazpen honek helburu.

2. artikulua.- Helburua.

Oinarrizko gaitasunak eta etaparen helburuak eskuratu izana erakusten duten parte-hartzaileek gure hezkuntza-sistemaren oinarrizko titulazioa lortu ahal izatea dute 18 urtetik gorako pertsonen Derrigorrezko Bigarren Hezkuntzako Graduatuaren titulua lortzeko probek helburu.



3. artikulua.- Parte-hartzaileak.

Matrikulatu ahal izango dira proba libreak egiteko ezarritako egunean 18 urte bete edo betetzen dituzten pertsonak eta 2018-2019 ikasturtean Derrigorrezko Bigarren Hezkuntzako Graduatuaren titulua lortzera bideratutako irakaskuntza ofizialetan (aurrez aurrekoak edo urrutikoak) matrikulatuta ez daudenak eta egon ez direnak.

4. artikulua.- Probak egingo diren datak eta tokiak.

1.- Probak azaroaren 23an eta maiatzaren 10ean egingo dira Hezkuntza Sailaren menpeko Bilbo, Donostia-San Sebastián eta Vitoria-Gasteizko Urrutiko Oinarrizko Hezkuntzako Ikastetxe ohietan. Ikastegi publiko horien iragarki-tauletan argitara eman beharko dira probak egingo diren datak.

Probak hiru saiotan egingo dira: zientzia eta teknologia eremuko proba goizeko 09:30etik 11:30 era, gizarte-eremuko proba 12:00etatik 13:30era eta komunikazio eremuko arratsaldeko 15:30etik 18:30era.

5. artikulua.- Matrikulazioa.

1.- Hezkuntza Sailaren menpeko Urrutiko Oinarrizko Hezkuntzako Ikastetxe ohiek probak egingo direla adieraziko duen iragarkian agertu beharko dute, gutxienez, matrikulatzeko epea, 15 egun natural edo gehiagokoa, eta aurkeztu beharreko dokumentazioa. 2018-2019 ikasturterako matrikulatzeko ondorengo epeak ezartzen dira: urriaren 22tik azaroaren 6ra bitartean azaroko probarako eta martxoaren 20tik apirilaren 3ra maiatzeko probarako. Epe hori itxi ondoren, eta aparteko arrazoiak egonez gero, ikastetxeko zuzendariek eman ahal izango die beste pertsona batzuei matrikulatzeko baimena.

2.- Probak egin nahi diren Urrutiko Oinarrizko Hezkuntzako Ikastetxean egin beharko da matrikula.

3.- Ikastegi bakoitzak matrikulatutako pertsonen zerrenda azalduko du iragarki-taulan, izan diren salbuespenak eta baliozkotzeak adieraziz. Halaber, matrikula onartzen ez zaizen eta ikasketak baliozkotu ez zaizkien pertsonen zerrenda ere azaldu beharko dute, bi kasuetan arrazoiak zein den adieraziz.

4.- Ikastegi bakoitzeko zuzendaritzak hartuko ditu probak egiteko neurriak.

5.- Matrikula egiteko behar den dokumentazioa:

- a) NAREN, Egoiliar-txartelaren, pasaportearen edo norbere nortasuna egiaztatzen duen agiri baten fotokopia (jatorrizkoa eraman beharko du, egiaztatzeko).
- b) Matrikulazio-orria (ebazpen honen I. eranskin gisa sartuta dagoen ereduaren arabera eta ikastetxeak emango duena). Orri horretan ikaslea 2018-2019 ikasturtean Derrigorrezko Bigarren Hezkuntzako Graduatuaren titulua lortzera bideratutako irakaskuntza ofizialetan (aurrez aurrekoetan edo urrutikoetan) matrikulatuta ez dagoela aditzera emateko adierazpen bat sartu beharko da.
- c) Baliozkotzeren bat eskatuz gero, Oinarrizko Irakaskuntzako Eskolatzeko Liburua edo/eta Ikasketak Historia edo Helduen Hezkuntzako eremuren bat gainditu izanaren egiaztagiria gaineratu beharko du.

6. artikulua.- Erreferentziako curriculum-esparrua.

236/2015 Dekretua, abenduaren 22koa, Oinarrizko Hezkuntzaren curriculum-a zehaztu eta Euskal Autonomia Erkidegoan ezartzen duena (2016ko urtarrilaren 15eko EHAA)

7. artikulua.- Ariketak.



1.- Ariketa bat egingo da hiru esparruetako bakoitzean (Komunikazioa, Gizartea eta Zientzia eta Teknologia). Bakarrik Komunikazio eremuaren kasuan zati desberdinak planteatu ahal izango dira ariketan, hizkuntzaren arabera.

2.- Komunikazio eremuan, atzerriko hizkuntza ingelesa, frantsesa, portugesa, alemana edo italiara izan ahal izango da. Ikastetxeetan ez badaude hizkuntza horietakoren batean trebatutako irakasleak, Hezkuntza Sailburuordetzak antolatuko ditu atzerriko hizkuntza horretako proba eta zuzentzeko prozesua.

8. artikulua.- Epaimahaia.

1.- Ikastetxeko zuzendaritzak Bigarren Hezkuntzako irakasleen artean proposatutako eta Ikastetxe eta Plangintza Zuzendariak izendatutako epaimahaiburu batek eta beste bi kideek osatuko dute, gutxienez, epaimahaia. Epaimahaiburuak epaimahaiko kideen artean izendatuko du idazkaria.

2.- Hiru eremuetako irakasle banak, gutxienez, egon beharko du epaimahaikideen artean.

3.- Epaimahaiko kideek zerbitzuen ondoriozko kalte ordainak jasotzeko eskubidea izango dute.

9. artikulua.- Ebaluazioa.

1.- Eremu bakoitza osotara ebaluatuko da eta era honetara: Gutxiegi (GU), Nahiko (NA), Ongi (O), Oso Ongi (OO) eta Bikain (BI). Emaiza zenbakiekin ere adieraziko da, 1etik 10era eta hamartarrik erabili gabe. Hona baliokideak:

1. Gutxiegi: 1,2,3 edo 4
2. Nahiko: 5
3. Ongi: 6
4. Oso Ongi 7 edo 8
5. Bikain 9 edo 10

Komunikazio eremuan hiru hizkuntzek % 25etik gorako puntuazioa izango dute.

2.- Probaren kalifikazio globala 3 esparruen batezbestekoa izango da eta hiru esparruak gainditu beharko dira, titulua lortzeko.

3.- Proba egin ondoren, ikastetxeko zuzendaritzak tokian tokiko Hezkuntza Ikuskaritzari bidaliko dio akten kopia (II. eranskina).

10. artikulua.- Ziurtagiriak eta titulazioa.

1.- Parte-hartzaile guztiek izango dute probaren emaitza globalak edota eremu bakoitzarenak egiaztatzeko ziurtagiri bat edukitzeko eskubidea, ikastetxeko idazkariak emandakoa eta zuzendariaren oniritziarekin (III. eranskina).

2.- Hiru eremuak gainditzen dituztenek, ez beste inork, edukiko dute Bigarren Hezkuntzako Graduatuaren titulua izateko eskubidea eta ikastetxeak tituluak emateko proposamenean sartuko ditu ikasle horiek.

3.- Eremu bakoitza gainditu izana hurrengo deialdietan hartuko da kontuan.

XEDAPEN GEHIGARRIA

Salbuespenak eta curriculum-egokitzapenak

1.- Derrigorrezko Bigarren Hezkuntzako ikasle guztiei aplikatzen zaizkien salbuespen eta egokitzapenen araudia aplikatuko da proba hauetan.



2.- 1971 baino lehenago jaio ziren pertsonen euskaratik salbuetsi ahal izango zaizkie. Horretarako, nahikoa da Nortasun Agirian, Egoiliar-Txartelean, pasaportearen edo norbere nortasuna egiaztatzen den agiri batean agertzen den jaiotze-data ikustea.

3.- Euskarazko salbuespena emango zaie, baita ere, Oinarrizko Hezkuntza egiterakoan irakasgai hori ikasi ez izana, dokumentu idatziaren bidez egiaztatzen badute.

AZKEN XEDAPENA

2001eko martxoaren 15eko Hezkuntza, Unibertsitate eta Ikerketa sailburuaren Agindua (2002ko urriaren 21eko aginduaren bidez aldatua), 18 urtetik gorakoek Derrigorrezko Bigarren Hezkuntzako Graduatuaren titulua lortzeko proba libre ezartzen duena, aplikatuko da ebazpen honetan agertzen ez diren gaietarako. Aldi berean, 236/2015 Dekretua, abenduaren 22koa, Oinarrizko Hezkuntzaren curriculum zehaztu eta Euskal Autonomia Erkidegoan ezartzen duena (2016ko urtarrilaren 15eko EHAA)

Vitoria-Gasteiz, 2018ko urriaren 8a

HEZKUNTZA SAILBURUORDEA

Miren Majte Alonso Arana



I. ERANSKINA / ANEXO I

MATRIKULA-ORRIA / HOJA DE MATRÍCULA

2018-2019 IKASTURTEKO DERRIGORREZKO BIGARREN HEZKUNTZAKO GRADUATUKO PROBA LIBREA

PRUEBA LIBRE DE GRADUADO EN EDUCACIÓN SECUNDARIA OBLIGATORIA CURSO 2018-2019

Ikastetxea / Centro Herria/ Localidad:

1. Abizena / Apellido 1º 2. Abizena / Apellido 2º Izena / Nombre

N.A. / D.N.I. Helbidea (kalea, zenbakia,...) / Dirección (calle, número,...)

Herria / Localidad P.K. / C.P. Lurraldea / Territorio

Jaioa / Nacido en: Herria / Localidad Lurraldea / Territorio Data / Fecha

Atzerritarra izanik, jaioterra / Si es extranjero/a, país de origen

G/V E/M + Telefonoa:

Helbide elektronikoa / Correo electrónico:

Azterketa egiteko hizkuntza / Idioma en que realizará la prueba: Euskera
Castellano

Aukeratutako atzerritar hizkuntza / Lengua extranjera elegida:

Ingelesa/Inglés Frantsesa/Francés Alemana/Alemán Portugesa/Portugués
Italiera/Italiano

Salbuespenik edota baliozkotzerik eskatuz gero, adierazi (ikusi 5.c artikulua):

Solicita exenciones y/o convalidaciones en (ver artículo 5.c):

Komunikazioa Gizartea Zientzia eta Teknologia
Comunicación Social Científico-Tecnológico

Euskara salbuespen eskaera
Solicitud exención euskera

Goian adierazitako pertsonak hauxe adierazten du: Bigarren Hezkuntzako Graduatu titulua araubide ofizialean (eskoletara joanez edo urrutiko hezkuntzan) lortzeko ikasketa ofizialetan matrikulatuta ez dagoela 2018-2019 ikasturtean.

La persona arriba indicada declara no estar matriculada en enseñanzas oficiales conducentes al título de Graduado en Educación Secundaria en régimen oficial (sea presencial o sea a distancia) en el curso 2018-2019.

Data eta sinadura / Fecha y firma:

NAren fotokopia gehitu beharko da. / Debe adjuntarse fotocopia DNI.

II. ERANSKINA / ANEXO II

20 / / / / / 20

**DERRIGORREZKO BIGAREN HEZKUNTZAKO GRADUATUKO PROBA LIBREAK
PRUEBAS LIBRES DE GRADUADO EN EDUCACIÓN SECUNDARIA OBLIGATORIA
EBALUAZIO-AKTA / ACTA DE EVALUACIÓN**

IKASTETXEA/CENTRO: KODEA / CÓDIGO: 0 1 _ _ _ ; IZENA / NOMBRE: _____ K.P. / C.P.: _____
 HELBIDEA/DIRECCIÓN: _____
 HERRIA/LOCALIDAD: _____ LURRALDEA/TERRITORIO: _____

PARTE HARTZAILEEN ZERRENDA ALFABETIKOA			KALIFIKAZIOAK / CALIFICACIONES (I)					
RELACIÓN ALFABÉTICA DE PARTICIPANTES								
	1. Abizena Apellido 1º	2. Abizena Apellido 2º	Izena Nombre	Komunikazioa Comunicación	Gizartea Social	Zientzia eta Teknol Científico-Tecnol	Orokorra Global	Propuesta Título
1.-								
2.-								
3.-								
4.-								
5.-								
6.-								
7.-								
8.-								
9								
10.-								
11.-								
12.-								
13.-								
14.-								
15.-								



III. ERANSKINA

_____-(e)ko _____

Urrutiko

Oinarrizko Hezkuntzako Ikastetxearen idazkariak, **HAUXE EGIAZTATZEN DU:**

Dagokion aktan adierazten denaren arabera _____
_____, _____ NA zenbakia duenak, Derrigorrezko
Bigarren Hezkuntzako graduatu titulua lortzeko proba libreetan parte hartu du, 2018ko
_____aren _____an. Hauek dira emaitzak¹:

Eremua	Komunikazioa	Gizartea	Zientzia eta Teknologia
Emaitza			

Kalifikazio Orokorra: _____ / _____

Derrigorrezko Bigarren Hezkuntzako Graduatu Titulua lortzeko proposatua: _____

_____, 2018ko _____-(a)ren _____(a)

(sinadura eta zigilua)

Idazkaria

O. E.
Zentroaren
zuzendaria

¹ Eremuen kalifikazioak era kualitatiboan zein kuantitatiboan adieraziko dira: Gutxiegi (1,2,3 edo 4), Nahikoa (5), Ondo (6), Oso Ongi (7 edo), Bikain (9 edo 10), Baliozkotua eta Ez aurkeztua. Kalifikazio orokorra ere horrela adieraziko da, gehienez ere bi hamartarrekin.